

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 398434 21 St
Tuzla, 22.09.2021.godine**

Općinski sud u Tuzli, sudija Antonela Đaković, u stečajnom postupku nad imovinom dužnika **„GIALES“ d.o.o. za konsalting, posredništvo i promet Gradačac, ul. Sarajevska bb**, dana 22.09.2021.godine, donio je sljedeće:

R J E Š E N J E

I-OTVARA SE stečajni postupak nad imovinom dužnika **„GIALES“ d.o.o. za konsalting, posredništvo i promet Gradačac**, ul. Sarajevska bb, matični broj subjekta: 32-01-0229-13.

II-Stečajni postupak se otvara sa danom 22.09.2021.godine u 12,00 sati, kada se rješenje o otvaranju stečajnog postupka ističe na oglasnoj tabli suda. Oglas o otvaranju stečajnog postupka objavit će se u „Službenim novinama F BiH“.

III-Za stečajnog upravnika imenuje se Nedret Kikanović iz Tuzle.

IV-Pozivaju se povjerioci da u roku od 30 (trideset) dana, od dana objavljivanja oglasa o otvaranju stečajnog postupka u „Službenim novinama F BiH“ prijave svoja potraživanja stečajnom sudu dostavom prijave i priloga u dva primjerka u skladu sa odredbama Zakona o stečajnom postupku o prijavi potraživanja (član 110. Zakona), te prilože dokaz o uplaćenju sudskoj taksi na prijavu potraživanja u iznosu od 1% od vrijednosti potraživanja, s tim da taksa ne može biti manja od 50,00 KM, niti veća od 10.000,00 KM, na žiro račun broj 1321000256000080, vrsta prihoda 722221, primalac Budžet Tuzlanskog kantona.

V-Pozivaju se povjerioci da u roku od 30 (trideset) dana, od dana objavljivanja oglasa o otvaranju stečajnog postupka u „Službenim novinama F BiH“ stečajnog upravnika obavijeste koja prava osiguranja potražuju na predmetima imovine stečajnog dužnika. Potrebno je navesti predmet na kome se potražuje pravo osiguranja, vrstu i razlog nastanka prava osiguranja kao i osigurano potraživanje.

VI-Pozivaju se lica koja imaju obaveze prema stečajnom dužniku da ih bez odlaganja izvrše.

VII-Otvaranje stečajnog postupka ima se upisati u sudski registar Općinskog suda u Tuzli, zemljišne knjige Općinskog suda u Gradačcu, te kod Službe za geodetske i imovinsko-pravne poslove Grada Gradačac.

VIII-Skupština povjerenika (ročište za ispitivanje) na kojem će se ispitati prijavljena potraživanja zakazuje se **za dan 15.11.2021.godine u 09,00 sati**, u zgradi Općinskog suda u Tuzli, ulica ZAVNOBIH-a bb, sudnica S4.

IX-Skupština povjerenika (izvještajno ročište) na kome će se na osnovu izvještaja stečajnog upravnika odlučiti o daljem toku stečajnog postupka održat će se na istom mjestu nakon ročišta za ispitivanje prijava potraživanja.

X-Rješenje o otvaranju stečajnog postupka u cijelosti objavit će se na oglasnoj tabli suda, web-stranici suda – elektronskoj tabli suda, na internet stranici FIA-e, a u Službenim novinama F BiH objavit će se samo izreka rješenja.

O b r a z l o ž e n j e

Dana 29.03.2021.godine predlagač „GIALES“ d.o.o. za konsalting, posredništvo i promet Gradačac, ul. Sarajevska bb, podnio je prijedlog za otvaranje stečajnog postupka nad ovim privrednim društvom iz razloga platežne nesposobnosti, shodno odredbi člana 4. i člana 6. Zakona o stečajnom postupku (Službene novine F BiH, broj 29/03, 32/04 i 42/06).

Nakon razmatranja prijedloga sud je rješenjem od 22.06.2021.godine pokrenuo prethodni postupak radi utvrđivanja uslova za otvaranje stečajnog postupka i imenovao privremenog stečajnog upravnika na osnovu odredbe člana 61. Zakona o stečaju (Službene novine F BiH, broj 53/21).

Privremeni stečajni upravitelj u spis suda dostavio je izvještaj o provedenom prethodnom postupku sa nalazom i mišljenjem na okolnosti postojanja razloga za otvaranje stečajnog postupka. Na osnovu odredbe člana 102. stav 1. i 2. Zakona o stečaju FBiH (Službene novine F BiH, broj 53/21) zakazano je ročište radi ispitivanja uslova za otvaranje stečajnog postupka i rasprave o izvještaju privremenog stečajnog upravnika na kojem je saslušan privremeni stečajni upravitelj i zastupnik stečajnog dužnika.

Iz izvještaja privremenog stečajnog upravnika utvrđeno je da dužnik ne obavlja registrovanu djelatnost od 2016.godine, da je rješenjem Općinskog suda u Tuzli broj: 032-0-Reg-19-000536, od 08.04.2019., utvrđen prestanak subjekta upisa Giales d.o.o. Gradačac, da je račun dužnika blokiran duži period. Društvo ima neizmirenih obaveza prema Poreznoj upravi FBiHm KPU Tuzla, PI Gradačac UIO BIH, RC Tuzla, te obaveze iz poslovanja. Društvo nema pokretne ni nepokretne imovine čijim bi se unovčenjem mogli pokriti troškovi stečajnog postupka i namiriti dospelje obaveze.

Dakle, na osnovu izvedenih dokaza tokom postupka utvrđeno je da je prijedlog za pokretanje stečajnog postupka dopušten, zbog nesolventnosti i nelikvidnosti dužnika postoji stečajni razlog, a iz uplaćenih sredstava na ime finansiranja troškova prethodnog postupka od strane predlagača postoje sredstva za finansiranje troškova stečajnog postupka do održavanja ispitnog i izvještajnog ročišta. Na osnovu navedenog ispunjeni su uslovi za otvaranje stečajnog postupka nad imovinom dužnika.

Sud je shodno odredbi člana 102., a u vezi sa članom 6. Zakona o stečaju F BiH (Službene novine F BiH broj 53/21), odlučio kao u izreci rješenja.

Odluku o imenovanju stečajnog upravnika, sud je donio shodno odredbi člana 104. stav 1. Zakona o stečaju F BiH (Službene novine F BiH broj 53/21), a nakon što je utvrdio da isti ispunjava uslove utvrđene odredbom člana 71. istog zakona.

Sud je, odluku o određivanju ročišta za ispitivanje prijavljenih potraživanja i izvještajnog ročišta, donio na osnovu člana 106. Zakona o stečaju F BiH (Službene novine F BiH broj 53/21).

Odluku o objavljivanju otvaranja stečajnog postupka, sud je donio shodno odredbi člana 107. stav 1. Zakona o stečaju F BiH (Službene novine F BiH broj 53/21).

Na osnovu odredbe člana 105. Zakona o stečaju F BiH (Službene novine F BiH broj 53/21), sud je uputio odgovarajuće pozive povjeriocima i dužnicima stečajnog dužnika.

Upis otvaranja stečajnog postupka u javne registre određen je na osnovu odredbe člana 108. Zakona o stečaju FBiH (Službene novine F BiH broj 53/21).

Stečajni sudija
Antonela Đaković

POUKA O PRAVNOM LIJEKU: Protiv ovog rješenja žalbu može uložiti stečajni dužnik. Žalba se podnosi Kantonalnom sudu u Tuzli, putem ovog suda u tri primjerka u roku od 8 dana po proteku dva radna dana od dana objave rješenja u Službenim novinama F BiH. Žalba iz prethodnog stava ne odlaže izvršenje rješenja.

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 398434 21 St
Tuzla, 22.09.2021.godine**

**Općinski sud u Tuzli
Uprava suda**

U skladu sa članom 107. stav 1. Zakona o stečaju F BiH (Sl. novine F BiH broj 53/21) dostavljamo Vam rješenje o otvaranju stečajnog postupka nad dužnikom **ABC MULTISERVIS d.o.o. Tuzla**, a radi objave na web stranici suda-elektronskoj tabli suda.

U prilogu:

Rješenje o otvaranju stečajnog postupka broj **32 0 St 395940 21 St**, od **23.08.2021.godine**

Sudija

Antonela Đaković

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 398434 21 St
Tuzla, 22.09.2021.godine**

**Finansijsko- informatička agencija (FIA)
Poslovna jedinica Tuzla
Ul. Turalibegova 40**

U skladu sa članom 107. stav 1. Zakona o stečaju F BiH (Sl. novine F BiH broj 53/21) dostavljamo Vam rješenje o otvaranju stečajnog postupka nad privrednim društvom ABC MULTISERVIS d.o.o.Tuzla, a radi objave istog na Vašoj internet stranici.

U skladu sa članom 107. stav 4. istog Zakona obavještavamo Vas da prijedlog podnesen od strane stečajnog dužnika odnosno njegovog organa za zastupanje nije podnesen u roku od 60 dana od dana nastupanja platežne nesposobnosti.

U prilogu;

Rješenje o otvaranju stečajnog postupka broj 32 0 St 395940 21 St, od 23.08.2021.godine

Sudija

Antonela Đaković

